



Tir Yimym

www.tiryimym.in

Regd. No. RNI. NAGAAO/ 2004 / 13113. Postal-NE/RN-717.

e-mail : tiryimym@gmail.com

TAPAK 3

Yangia anidakangma :

Tir Yimym

tiryimym@aolima

tir yimym

TAPAK 7

**CPI(M) lenir, Sitaram Yechury
temang kanga mejungi lir**

**North Korea lenir Kim-i nuclear
nok-nü tashi ulushitsü tuyu**

VOL. XXI ISSUE NO. 329 (ADOK 329) DIMAPUR RASEMNÜ (WEDNESDAY) RONGJUI (SEPTEMBER) 11, 202 ₹ 5.00

BJP Nagaland, Congress, NPF aser NDPP-i 'Gau Dhvaj Sthapana Bharat Yatra' magizüker

Dimapur, September 10, 2024 (TYO): Nationalist Democratic Progressive Party (NDPP)-i September 28, 2024 nü Kohima nung 'Gau Dhvaj Sthapana Bharat Yatra' agitsü atema ashishitepba sülen BJP Nagaland, aser Congress aser Naga Peoples Front teloktemi tanü iba sentong magizükba metetdaksüogo.

"Iba sentong atema Naga kin balalai ashishiteper saka iba telok ya BJP Nagaland State den tesentaktep kecha mali ta jangjatsür. Külem sensotem tangatetba aser tamangba yimsütem akhümtsübur saka Nagaland nung tamangba yimsü aser sobaliba dak rangloker iba sentong anema noktaksüla" ta Nagaland state BJP president Benjamin Yephthomi-i ashi.

Nagaland nung nashi metepsettsü tenokdangba agütsüba ajanga Nagaland nung sobaliba aser inyaksangshi dang masü saka tamangba yimsü nung kongshir ta pai ashi.

Iba yatra ayongertemi Nagaland nung ibala sentong magitsüla kechiyong iba ajanga mepetmesü adoktsü ta Benjamin-i ashi.

"Nagaland BJP-i iba sentong magizükba ya tamangba yimsü ka mesüra tangatetba ka anema masü saka kati ka akhümtsübutepstü aser

angattetpeptsü tayongzükba agütsüba dang lir. Nagaland state sorkari Arlla 371A nung lateta aliba ama mapa inyaksüla aser Naga nung temeten aser inyaksangshi kümzuka ayutsüla" ta paisa shisem.

Nagaland Pradesh Congress Committee (NPCC)-ia Kohima nung Gau Dhvaj Sthapana Bharat Yatra aitsüogo.

Nisung ka achijemtsübaji pei nija mulung aser kari danga tashiyim agi chiyungtsü mesüra tangatetba melendaktsütsü merangra Congress-i item anema noktaksü ta Congress-i ashi.

"Indian Constitution nung Secular tangatetba enoka aliba anema tawa linük nung tashiyim agi mapa inyaksangshia aruba nguogo. Lokti nung telemsa adoktsüsa inyakba mapaji September 28, 2024 nü Kohima nung nashi tepsetba noktangsüba sentong ajanga kuli agütsür" ta Communications Department, NPCC-i metetdaksü.

"NPCC-i Kohima nung Gau Dhvaj magizüker aser achiajemtsüba ya pei kija mulung lir aser Nagaland nung achiajemba mesüra tangatetba melendaktsütsü merangertem anema onoki noktaksü" ta Communications Department-isa ashi.

Onoki linük ajungalen aliba kin ajak sobaliba, inyaksangshi

aser maitsütem akhümtsübur aser kümzuka ayutsü ta parnokisa ashi.

September 22 nungi linük ajungalen "Gau Dhvaj Sthapana Bharat Yatra" tenzüksü aser 'Gau Dhvaj' (Cow Flag) asongtsü ta osang angashia mepelar ta Naga People's Front (NPF)-i ashi.

Ano, September 27 nü Kohima atongtsü aser September 28 nü "Gau Mahasabha" nung o jembia linük nung nashi külemertem akasodaktsütsü ta osang prokshiba atema kanga aoksar ta NPF-isa ashi.

NPF ya secularism nung amendaker tentetba party ka lir aser onoki tangatetba, tamangba yimsü aser achiajem nung tenokdangba kecha magütsür. Iba sentong ayongertemi Nagaland ya Khristantem teimba ser aliba state ka ta metetsümonga aser Naga nung sobaliba nung nashi ya kidang metsüba shiruru ka ama dang züngshiba metetaka iba sentong ayongogo. Naga nung Hindu Khristan yimsü magizükdang Hindu nung shinga maliasü, ta tanü Press Bureau, NPF-i sangdong ka nung ashi.

"Iba Yatra ya linük nung tamangba yimsü balala tsüngda telemsa adokdaksütsü aser India ya Hindu Rashtra akümtsü meranga ayongzük. Pei tamangba yimsü ka tangar dak

tashiyim agi amangdaktsütsü merangba ajanga mepetmesü adoktsü aser onokibo nashi ya onok tetsü (mother) mekümdaktsütsü" ta NPF-i jangjajangja shiogo.

"Kija mesüra telok kari nashi ya "Mother of the nation" ta sangdongtsü merangra ibaji India tangatetba anema noktakba ama züngshitsü, kechiyong India ya tamangba yimsü ajak agizüker aser tamangba yimsü inyakyim aser külemba nung timtem magütsüba linük ka ta züngshir" ta NPF-isa metetdaksüogo.

Yashi NDPP aser NPF teloktemia Kohima nung 'Gau Dhvaj Sthapana Bharat Yatra' magizükba metetdaksüogo.

NDPP ya regional political party ka lir aser Nagaland nung alirtem atema noktaker. Onoki Naga nung temeten, maangka aser tangatetba kümzuka ayur, ta parnoki ashi.

Iba yatra ayongertemi Nagaland nungbo sentong magitsü ayongzük. State sorkari tekaratiba nung aser mepetmesü madokdang iba onük atema mapa inyaksü mepishir, ta NDPP-isa metetdaksüogo.

Indian Constitution nung Arlla 371 ajanga Naga nung tamangba yimsü aser inyaksangshi kümzuka lir. State sorkari Arlla 371A nung

ajemdaker Nagaland nung Cow Slaughter Act 2019 mebenok ta NDPP-isa ashi.

Nagaland Assembly aser sorkari iba lemtet agiba ama noktaka lir saka nashi metepsettsü sentong agiba ajanga Naga nung aser state nung nisung-tamangba yimsü temeyoktep aliba nung timtem bentsür arutsü akok ta parnokisa ashi.

NDPP-i linük nung senso shia indang tamangba yimsü tangatetba akhümtsübur anungji tangari Naga nung tamangba yimsü aser inyaksangshi akümtsübuttsü imlar, ta NDPP-isa ashi.

Hombarnü NPF Legislature Party leader Kuzholuzo (Azo) Nienu-ia Kohima nung nashi metepsettsü atema sentong ka agitsü ayongzükba osang angashia aoksaba metetdaksüogo.

Sensotem dak tashiyim agi iba ama tenokdangba agütsüba ya kija ka temeten anema lir ta Kuzholuzo-i ashi.

July 2017 nung NPF züngsemtemi 'beef festival' ayonga amongba bilemteter aser nashishi achir aika aliba Nagaland state nung tashiyim agi achiajemba melendaktsütsü merangertem anema maneni noktaksü ta paisa ashi.

'Cyber Commandos' 5,000 nem training agütsütsü

New Delhi, September 10, 2024 (Agencies): India nung cyber security atema 'cyber commandos' 5,000 training agütsütsü ta Union Home Minister Amit Shah-i ashi.

"Centre-i web-based data registry, cyber crime information portal aser temulung malemertem indang national registry amenoktsü. Cybercrimes asoshi arrtsü teladanga kecha mali aser cyber security melira national security maparen tamakoktsü lir" ta Amit Shah-i ashi.

Mongulbarnü New Delhi nung Indian Cybercrime Coordination Centre (I4C) nung pai iba osang metetdaksü.

India nung Cyber Fraud Mitigation Centre (CFMC) ka lapoktsü aser iba nung major banks, financial intermediaries, payment aggregators, telecom service providers, IT Intermediaries aser states o Union Territories nungi ozüng amertem adentsü ta Home Minister-i ashi.

Mewat, Jamtara, Ahmedabad, Hyderabad, Chandigarh, Visakhapatnam aser Guwahati nung joint cyber coordination teams 7 tentetba ajanga mapa tajung aika inyaktetogo aser I4C

ajanga CyberDost initiative kübok social media sabang balala nung awareness campaign tenzüko, ta paisa ashi.

'Cyber Commandos' programme kübok States/UTs police aser CBI ama central police organizations nungi special wing tentetsü. Cyber commandos-i state aser central agencies den yariteptsü.

Ano, banks aser financial intermediaries den yaritepa temulung melemi bilemertem asoshi National Cybercrime Reporting Portal (NCRP) ka lapoktsü ta Ami Shah-i ashi.

Alima nung digital transactions 46% tashi India nung asür aser March 31, 2014 nung internet amshir crore 25 aliba March 31, 2024 tashi nung crore 95 kümogo ta paisa ashi.

Digital India initiative ajanga maparen aika online kümogo aser 2024 küm tsüngda Rs 20.64 lakh crore jungnüa digital transactions süogo ta Union Home Minister-isa ashi.

I4C ajanga tang tashi nung advisories 600 agütsüogo aser cybercriminals-i amshiba websites, social media pages, mobile apps aser accounts aika shibangtsüogo ta paisa shisem.

AKM-i kaketshirtem jaoka ken o angatettepogo

Dimapur, September 10, 2024 (TYO): September 5, 2024 nü Mokokchung Town Park nung kaketshir telok ka raratepba indang video ka prokshiba atema Ao Kaketshir Mungdang (AKM)-i teinyaktsü inyakogo.

Iba tatalokba sülen kaketshirtem AKM Office-i jaoka asüngdangyaba sülen parnok dak tapet mapa inyakogo. Kaketshirtem nem counseling agütsü aser parnoki 'good

behavior' bond nunga sign süogo ta AKM ketdangpurtemi ashi.

Parnoki tarutsü anogotem yimya tajung bentshitsu nangzük aser item meratem agia iba ken o angatettepogo ta parnoki ashi.

AKM-isa iba tatalokba nung densema aliba kaketshirtem yimtsüngtem nungi kaketshir telongjem ajak dang iba ken o kakteta tanaben mejembitsü metetdaksüogo.

Mokokchung District nung

kaketshir ajak dang ibala inyakyim magizüktsü aser temerenshi tulu alitsü ta AKM-isa kümdangtsü olen ka ashi.

Maneni, Mokokchung nung school aser hostel kar nung ragging inyakba osang angashio. Iba mapa ya ozüng alema lir anungji ragging asüba kaketshirtem dak sobaliba ozüng aser tanga lenmang ajanga merenshitsu ta AKM-isa metetdaksü.

Centre nungi telok kati National Highway-29 semdangogo



Dimapur, September 10, 2024 (TYO): Centre nungi Inter-Ministerial Central (IMC) Team kati September 10, 2024 nü Pherima nung anentsüh aluba tesemtem semdangogo.

Ministry of Home Affairs nung Joint Secretary (FFR) Anant Kishore Saran-i anir aruba IMC team-i National Highway-29 nung Pherima, Pagala Pahar

Tseiphema aser Piphema semdanga senzüogo.

Parnoki anentsüh agi kongshiba nisungtem den ajurutep sensaksem aser yimtsüng tanishiri parnok nem osang tejangja lemsatep.

IMC team nung Ministry of Rural Development Assistant Director Ranjana Saini; Ministry of Jal Shakti, CWC Superintending

Engineer MS Saravana Kumar; Ministry of Road Transport and Highways Superintending Engineer Adelbert Susngi aser Department of Expenditure, Ministry of Finance Section Officer Atul Bamnai nung dena lir.

Chumoükedima Deputy Commissioner Polan John aser Medziphema SDO (C) Selemla S Sangtam nati IMC team meina senzü.

Mokokchung nung Routine Immunization training agi



CMO Confrence Hall, Mokokchung nung September 10, 2024 nü District Level Routine Immunization Micro planning and RI Strengthening Training agidang shisalen sayur Dr. Sheila Longkumer, SMO WHO ajanga jembiba noksa nung angur.

Dimapur, Rongjui/Sept. 10 (TYO): District Level Routine Immunization Micro planning and RI Strengthening Training ka September 10, 2024 nü CMO Conference Hall Mokokchung nung agia liasü, aser yangji shisalen sayur ama Dr. Sheila longkumer SMO WHO, Dr. Longri Kichu SPC UNICEF, Dr. Pangjung Pongen SBC Consultant UNICEF aser Imli Longkumer RPO-UNDP Directorate of Health & Family Welfare nungertem dena liasü. Dr. Kibangkumba Chief Medical Officer, Mokokchung ajanga tarur pela agizükba o jembidang training nung shilem agirtem dang temulung agüja adentsü aser RI Micro planning mapang kibong kata mezüdoxksü ayongzük.

Mokokchung nung Immunization jenjang indang asadanga jembidang, awareness agüjaka vaccine agitsü memulungertem tang tashi lir, ta Dr. Kibangkumba-i ashi. Tanurtem asü-amaba aser tashidak tesashi nung kumzüksü atema immunization ya tajungba aser talangba lir, ta paisa ashi. Dr. Sheila Longkumer, SMO WHO ajanga iba training nung PowerPoint presentation agütsüba mapang Mokokchung district nung RI cases indang jenjang lemsatop aser population census aika liaka tekolak azüingba nung ajema lir ta ashi. Tekolak azüingba mapang tanur ajak züingsemtsü lai ayongzük liasü. Micro planning indang onük nung jembidang, Mokokchung

nung communication plan tajung nüngdaker, ta Dr. Sheila-i ashi. Headcount survey ya kum nung anaben bo agitsüla aser immunization services tajungba kumdaxksü asoshi ASHAs tem nem National Immunization Scheduled indang training agütsüla, ta lai ashi. Iba training nung High Risk Areas, eVIN and UWIN, Cold Chain aser logistics management amala onüktem jembiba liasü aser shilem agirtem nem RI Micro Planning form tem fill up asütsü training agüja liasü. Iba training nungya Medical Officers, ANMs, CHOs, DPM, BPMs, DCM, BACs, Urban UNICEF aser partners (WHO, UNICEF and UNDP) tem dena liasü.

SDCA ajanga nokdanga aliba mozü mayoktsü metetdaxksü

Dimapur, Rongjui/Sept. 10 (TYO): State sorkari "War Against Drugs" sangdongba den lirumedema state nung temesepba mozü ajanga lokti menentsüba anema raratsü asoshi bendanga agütsür inyaker, ta State Drugs Control Administration (SDCA), Department of Health & Family Welfare sangdong ka ajanga ashi. Licensed Pharmacy tem nung ozüing alema Codeine Based Syrup (CBS) aser Psychotropic substances ayokba aser lanur temi item Pharmaceutical osset mashi lenmang nung amshiba azüoktsü mechi state tesem ajungalen inspection campaign tenzükogo.

Drugs and Cosmetic Act, 1940 and Rules kübok legal sanction mesüra provisions meliaka nüburtem kumzükba ayutsü nükjidong nung Government of Nagaland sangdong ka ajanga Department-i kanga bulua amshiba Narcotic drugs and Psychotropic Pharmaceutical products category kar ayokba nung tenokdangba agütsü. SDCA ajanga shia aliba sangdong aser Act indang provision tem shidak amshir aser licensed medicine dealers temi nokdanga aliba mozü ayokba tatok magütsür. Ozüing alema mapa inyakba nung shilem agiba

mechi tawa SDCA ajanga tsüinglanglen agüja aliba Licensed Pharmacy tem nem temerenshi yamai agütsü. Iba teblemtsü azüoktsü atema mera balala agidang Licensed dealers tem dang iba ama ozüing alema mapa meinyaktsü tekumdangtsü manenti metetdaxksür. Licensee kata nema tatok magütsü aser ozüing nung aliba ama merenshitsu. State Police Force ajanga security aser itdangiterba osang agütsüba nung yaritepba atema pelar, ta State Drug Control Authority ajangasa ashi.

S/No	Name of Pharmacy	Drug License No.	Address	Remarks
1	M/s. Shanaz Pharma&Surgicals	736(N)/737(N)	GS Road,Dimapur	Cancelled
2	M/s. Yepthomi Medical	1063(N)/1064(N)	KalibariRoad, Dimapur	Cancelled
3	M/s. Z.A. Kiho	3346/3347	Akuluto, Zunheboto	Cancelled
4	M/s. SalamaPharma	745/746	Niuland	Cancelled
5	M/s. N. Pharmacy	5577/5578	TsumangB, Wokha	Cancelled
6	M/s. Grace Pharmacy	3016/3017	Dilong Ward, Mokokchung	Suspended
7	M/s. ChangumPunia	449/450	New Jalukie, Peren	Suspended
8	M/s. Lansin Pharmacy	5291/5292	Mhainamtsi, Peren	Suspended
9	M/s. Kichun Pharmacy	2156/2157	New Jalukie, Peren	Suspended

NAGALAND POLLUTION CONTROL BOARD

Signal Point, Dimapur – 797112, Nagaland
Tel.: 03862-245727, TeleFax: 03862-245728
Website: www.npcb.nagaland.gov.in e-mail: npqb2@yahoo.com

AMBIENT AIR QUALITY FOR KOHIMA AND DIMAPUR CITY
KOHIMA ASER DIMAPUR NUNG MOPUNG MERÜK-MEMERÜKBA JENJANG

Sl. no	City	Location of air station	Type of area	Monitoring dates			Permissible limit As per the National Ambient Air Quality Standards "Iba tasazük alemabo metudaxksütsüla"
				03.09.2024	05.09.2024	07.09.2024	
1	Dimapur	Bank Colony	Residential	47	54	45	100 µg/m ³
2		Dhobinala	Commercial	79	115	101	
3		NPCB Office, Signal Colony	Residential	34	27	48	
4		Tenyiphe, Chumoukedima	Commercial	36	35	37	
5		Nagarjan	Residential	26	36	54	
6		Viola colony	Residential	31	42	39	
7		Burma camp	Commercial	42	85	95	
8	Kohima	Opposite NST Office	Residential	35	31	21	100 µg/m ³
9		PWD Junction	Commercial	41	30	46	
10		High School Junction	Commercial	66	38	59	
11		Midland (Upper)	Residential	44	46	57	
12		Forest Colony	Residential	32	27	20	

Iba osang ya nübertem ajangzüksü atema Nagaland Pollution Control Board-i agütsür.

UBL election nung amshiba gari taa meshitsü metetdaxksür

Dimapur, Rongjui/Sept. 10 (TYO): Urban Local Bodies Election, 2024 mapang amshiba gari indang taa Office of the Deputy Commissioner, Dimapur indang Top Floor nung aliba Transport Cell nungi agütsütsü, ta Deputy Commissioner, Dimapur, Dr. Tinojongshi Chang, NCS ajanga sangdong

ka nung metetdaxksü. Alfa Auto/Bus amshiba indang taa ya September 17-19, 2024 anogotem anepdang 10:00 ako nungi nikongdang 4:00 ako tsüingta agütsütsü. Original requisitioned order aser duty slip agütsüba sülen ang sen ya agütsütsü, ta sangdong ajanga ashi.

Kohima nung IT Application & Disaster Statistics training tenzük



Kohima, Rongjui/Sept. 10 (TYO): IT Application and Disaster Statistics indang anogo pezü training Mongulbarnü Directorate of Economics & Statistics indang Conference Hall, Kohima nung tenzükogo.

lir ta pai ashi. Paise Disaster Statistics atema training module ya MoSPI indang High Power Committee 1999 ajanga disaster tabu 31 jangjatetba nung ajemdaker lir, ta ashi.

Iba training tenzüksüba mapang Additional Director DES, Neisatuo Puro-i ashiba agi, IT Application training ya Department-i 2025 tashinung 100 percent computer literacy alitsü nükjidong ayuba nung shilem ka lir. Data bendentsü aser asadangtsü atema IT Application ya kanga tongtipang

Data ya Disaster Management Act 2005 kübok bendener. Iba training nung nisung 14 dentagi aser ibai Disaster Cell, DC Offices nung attached süa aliba statistical staff tem atema lir. Iba sentong nung menden ya Kezhalelhou Solo, Deputy Director liasü.

DC Tuensang-i lenmang azüingtsütsü metetdaxksü

Dimapur, Rongjui/Sept. 10 (TYO): Tuensang nung September 17, 2024 nü nungi tenzükba Dr. T.Ao Trophy asayatsü aliba mechi aser jila telungzük nung lenmangtem müreka ayutsü mechi Deputy Commissioner, Tuensang, Lithrongla Tongpi Rutsa ajanga sangdong ka nung Tuensang Town nung aliba nüburtem dang teinyaktsü balala metetdaxksüogo.

agentsüla. Yamaji meinyakra ketdangtsür temi gari pur atsür aotsü aser iba mapa inyakdang indokba sen gari kiburi menoktsü. Lenmang tezülen kisü-jensüba nung amshiba ossettsüset yua alibattem tekeratiba nung agentsüla. Iba totuyuba nung manidaker nem temerenshi agütsütsü/senchi achitsü. Item maparen ya September 12, 2024 tashinung tambanga inyaktsüla, aser ketdangtsür temi September 13, 2024 nü jila sema jajatsü, ta sangdong ajanga ashi.

Town telungzük nung lenmang tezülen yua aliba off-road gari ajunga tekeratiba nung

HSLC & HSSLC Examination 2025 form atema metetdaxksür

Dimapur, Rongjui/Sept. 10 (TYO): Nagaland Board of School Education ajanga taoba ita sangdonga aliba ama ano maneni HSLC & HSSLC Examination 2025 asoshi Regulars, Repeaters aser Compartmental students asoshi form tem fill up asütsü anogo ya September 17 nungi September 30, 2024 tashi lir ta nenshia metetdaxksü.

temi NBSE portal nung login süa form tem verify asütsüla aser shia aliba anogotem tsüingta candidate category balala nung alir atema examination fee agütsütsüla. Atsülangtsüba anogo sülen application kata magizüksü, ta ashi. Maneni Repeaters aser Compartmental students temi pei Application Forms agütsüba school nem pei indang Admit Card aser Marksheet original agütsütsüla aser kasaji school temi October 2024 nungsa Board nem agütsütsüla, aji mesüra admission cards magütsütsü.

Latetja aliba anogo nung application form fill up masür nem October 1-5, 2024 tashi atsülangtsü saka menur agütsüba atema sen 500 meshitsü. Anungji iba tatidang agütsütsü aliba candidate temi anogo meteta form fill up asütsü metetdaxksür, ta NBSE ajanga ashi. Application Forms ya NBSE indang portal nbsenl.edu.in nung angutsü aser Schools/Centres

Forwarding School/Centre ajanga original Admit Cards aser Marksheeta ya post ajanga yoktettsü mesüra Board indang office tonga bener arutsütettsü, ta NBSE sangdong ajangasa ashi.



September 10, 2024 nü Washington D.C nung Lok Sabha nung opposition lenir, Rahul Gandhi-i Georgetown University nung kaketshirtem matsüngdang jembidang tangokba noksa nung angur.

Opposition Lenir, Rahul Gandhi anema ken o benoktsü: BJP

New Delhi, Rongjui/September 10 (Agencies): Lok Sabha nung opposition lenir, Rahul Gandhi-i US nung 'Sikh' nung dak sendakba olen ka jembiba aija Mongolbarnü Bharatiya Janata Party-i, Congress leniri (Rahul) India nunga kasa oji jembitettsü asü, ta ashi.

Virginia nung Rahul Gandhi-i Sikh nung dak sendakba olen ka jembiba anema BJP-i opposition lenir anema ken o benoktsü, ta metetdaksü.

Mongolbarnü BJP lenir, RP Singh-i, Delhi nung Sikh nung 3,000 tepseta liasü aser ibaji Centre nung Congress sorkar aliba mapang nung atalok, ta ashi.

Singh-i, "Delhi nung Sikh nung 3,000 tepset, parnok korang semzüktsü, kou mejepdoktsü aser bangsemo ongdokja liasü. Pai (Rahul Gandhi) ibaji Congress sorkar mapang nung atalok, ta mashi. Ni Rahul Gandhi dang pai Sikh

nunger indang jembiba kasa oji yangia (India nunga) jembitsü jazüker, iba sülen ni pa anema ken o benoktsü," ta ashi.

Union Minister, Shivraj Singh Chouhan-ia Rahul Gandhi dang taoba mapang Ato kilonser Atal Bihari Vajpayee indang metetdakja, "Atal Bihari Vajpayee Opposition lenir asüba mapang nung paibo kodanga linük tenüng memenüktsü," ta ashi.

"Rahul Gandhi ya Opposition Lenir lir aser opposition lenir kaji khuret abenba lenir ka asütsüla. Ni Rahul Gandhi dang ya nenshia shiner- Atal Bihari Vajpayee opposition lenir asüba mapang nung paibo bendanglen linük tenüng menüktsütsü kodanga memerang. Election nung tang agi tasembenbuba tamakok aguba agi pa melungjang nung BJP sempaba, RSS sempaba aser Modi sempaba tera yangadokogo. Pai maneni linük tenüng menüktsütsü meranger.

Shibai linük temzüng alema inyak? Shibai emergency benok? Pai Bharat Jodo Yatra agir saka India nung longjemdaksütsü makoker mesüra India nung den melongjemteter," ta Chouhan-ia ashi.

BJP MP, Praveen Khandelwal-ia Rahul Gandhi-i jembiba oji aija, ochimashi inyakertem aser linük rongsen tim mesüi amshirtemi tsübur, ta ashi.

Ano külen TMC MP, Shatrughan Sinha-ibo Congress lenir Rahul Gandhi pusema, US semdangba mapang nung Rahul-i mapa manguba tebilemtsü indang jembibaji shidak dang, aser mapang ajak nung BJP lenirtemi pa (Rahul) magizükteter, ta ashi.

Paisa, "Ni Rahul Gandhi atema otongdar ka masü saka repranga atar ka ama ni ya shiteter- Rahul Gandhi-i kechisa jembio, ajakji shidak dang," ta ashi.

CPI(M) lenir, Sitaram Yechury temang kanga mejungi lir

New Delhi, September 10 (Agencies): Communist Party of India (Marxist) general secretary, Sitaram Yechury taoba ita nungi Delhi nung aliba All India Institute of Medical Sciences (AIIMS) nung mongdar; ajisüaka pa temang tamajungba küma pa nem respiratory support agütsüdar, ta Mongolbarnü party-i sangdong ka ajanga metetdaksü.

CPI(M)-i, Yechury

intensive care unit (ICU) nung mongdar aser acute respiratory tract infection atema treatment agidar, ta metetdaksü.

"Pa nem respiratory support agütsüdar. Doctor tem team kati pa temang anepaludar. Tang pa temang kanga mejungi lir," ta party-i X ajanga metetdaksü.

Taoba ita Yechury temang metaa shirangba sülen August 19 nü pa AIIMS nung aliba emergency department-i anir

oa liasü.

Tawa arrshi küm 73, CPI(M) lenir Yechury cataract surgery-a agia liasü.

Ano tanga osang ka ajanga ashiba agibo, pneumonia ama teku infection timtem ajanga August 19 nü pa Hospital-i anir oa liasü, ajisüaka August 31 nübo CPI(M)-i sangdong ka ajanga, pa tangu sashiba dak sendakba timtem ka atema treatment agidar, ta metetdakja liasü.

J&K election nung kiralongrartem nem timtem magütsüda: BSF

Bhaderwah/Jammu, September 10 (Agencies): Jammu & Kashmir nung assembly election agiba mapang nung arrtsü adena kiralongrartem aita timtem magütsüda atema arrtsülen sepaitem kümküma lir, ta Mongolbarnü BSF ketdangser kati metetdaksü.

Doda district kübok Bhaderwah area nung osangbenertem den jembidang Border Security Force (BSF) nung Inspector General, Jammu frontier, D K Boora-i, "Arrtsülen kümzüka dang lir, kechiyong BSF sepaitemi police densema agency balala den senteper arrtsülen nungi bendangertem maitdaksütsü atema mera balala agia inyakdar. Election agiba mapang nung item ama tatalokba (kiralongrartem arrtsü adena aitiba) malitsü," ta metetdaksü.

Jammu & Kashmir nung shilem asem lemsar assembly election agitsü. Mezüngbuba shilem September 18 nü south Kashmir aser Chenab Valley region kübok Doda district densema district tenet nung assembly menden 24 nung election agitsü.

Paisa, BSF sepaitemi tensa ajak atema renema dang lir aser

election timi tesünap nung agitettsü atema sepaitemi pei tata shilem inyaktsü, ta metetdaksü.

"BSF sepaitem ya ajak inyaktetba sepaitem lir. Nenoki ozü sepaitemji tesem kanga tamajung nung angutsü, kechiyong parnoki tensa mashie atema renema lir aser pei mapa shidak inyaktsü. Election junga agitettsü atema BSF sepaitem yangi (Chenab valley) lemezükja lir," ta Boora-i ashi.

Tawa Doda aser Kishtwar district na nung kiralongra tatalokbatem dak sendakba nung Boora-i, "Tesem nung aliba commander temi item ama tatalokbatemji meteta lir aser tesem ajak kümzüka alitsü atema parnoki inyakdar. Assembly election mapang nung item ama tatalokbatem malitsü, ta ni amanger," ta metetdaksü.

Tawa BSF IG, Boora-i BSF nungi commanding officer 20 den senden ka mena election atongtsü mapang nung security tensa asadanga liasü.

Boora-i, "Parnok (kiralongrartem) kanga aikabo mali saka iba tesem nungji arem tulu lir, ibayongji parnok kümzüka liteter," ta metetdakja liasü.



September 10, 2024 nü Uttar Pradesh kübok Bahraich district nung forest department nungi sepaitemi tsünü ka apudang tangokba noksa nung angur. Tawa iba district nung tsünü telok kati tanurtem teimba ser nisung aika ngusetogo.

Junior doctor temi SC tetuyuba tashi mangai maneni longkak aiter

Kolkata, September 10 (Agencies): Tawa Kolkata nung aliba RG Kar Medical College & Hospital nung doctor tetsür ka tashiyim amshia raksatsür tepsetba anema longkak aiter junior doctor temi maneni mapa meinyaki longkak aittsü telemtetba agiogo.

Hombarnü Supreme Court-i Kolkata nung aliba junior doctor tem dang Mongolbar nikongdang 5:00 ako nungi tenzüka pei duty inyakang, ta tetuyuba agüja liasü. Ajisüaka doctor temi SC tetuyubaji tashi mangai maneni longkak aittsü lemtet.

Doctor temi West Bengal health secretary aser Director of health education (DHE) na menden nungi anenjang ta takhangba agütsür. Osangbener den jembidang

longkak aiter doctor tem rongnung kati, "Onoki akhangbatem mataloktsür aser takoksa angur nem ochi temeden magütsür. Onoki mapa meinyaki maneni longkak aittsü. Onoki health secretary aser Director of health education na menden nungi anendaktsüner," ta metetdaksü.

RG Kar Medical College & Hospital nung postgraduate doctor tetsür ka tasü mangji Hospital indang hall ka nung angu. La duty nung aliba mapang nung tebur kati tashiyim amshia raksatsüba sülen tepseta liasü.

Tesüba ita ka jungnüa West Bengal nung sorkar hospital tem nung junior doctor temi mapa meinyaki longkak aita arudar.



September 10, 2024 nü Chicago nung Autodesk aser Government of Tamil Nadu tsüngda tezüngzüktep ka agidang Tamil Nadu Chief Minister, MK Stalin-i sign asüba noksa nung angur.



TIR YIMYIM YIMOBILEM (EDITORIAL)

DIMAPUR RASEMNÜ, SEPTEMBER (RONGJUI) 11, 2024

Nashi külemtsü na ?

India nung Hindu nungertem asoshi nashi ya shiruru masü par tsürabur aser tsüngrem lir, ibayongji nashi dang oja ajar aser tsüngrem ama bilema külemer. Ibaji par tamangba yimsü, anungji asenoki aji manemer saka akok tashi nashiji tsüngrem masü saka Tsüngtemi nisungtem asoshi yanglutsüba shirurtem rongnung ka ta angatetdaksütsüba asenok Khristan-tem khuret aser mapa lir. Ibaji asenoki tashiyim agi meinyaktetsü mesüra nashi shi chia asenoki Hindu nungertem den lia Yisu temeim osang tajung melemsateptetsü. Kasaji, Muslim nungertem alidak ak shi chia asenoki Yisu temeim osang tajung kuli mesütetsü. Aji oda, asenokibo tanguba aser tebang dang ajungba apia ajak achir saka tangarbo yamaji masü, anungji asenoka tanübo alima ya yimsüng ka ama kümer tangar shi achir aser machir na den külemi alir asünungji, asen libaliro aser sobaliba nunga aser tamangba yimsü tsütsüa asen dak tangar memetsüdaksüsa alitsüba kanga tongtibang kümogo. Ibaji bendanglen tangar yimsü yimpong amangertem den lia 'mission' mapa inyaktertemi tajungba meteta alitsü. Tanü India nung BJP telok yimsüsüba arur külen nung balaka India nung nashi maleptsü aser nashi shi mayoktsü aser machitsü atema ozüng agi nokdangtsü meranger, kechiyong BJP telok ya Hindu yimsü tsütsü atsünga yimsü asüba telok lir. Ibaji asenoki anganütsüa akok mesüra manganütsüa akok saka BJP akümertemibo hau asütsü. Ibayongji, India nung nashi kenyongi metepsettsü aser nashi dang oja jaa külemtsü asoshi linük ajak sema Hindu nungertem telok ka sayutsüngia jajar. Iba dangji parnoki "gau Dhvaj Sthapana Bharat Yatra" ta ajar aser iba telok yagi Nagaland nunga September ita 28 nü lokti sentong ayongzüka nashi metepsettsü aser nashi külemtsü asoshi tangatetba agüja mapa tenzüksü sentong lir. Iba sentong anema Nagaland nung lokti aser yimten yimsüsürtem karibo kanga sashia ola agütsüogo. Aji tim dang kechiyong nashi dang oja jaa külemtsüba asen tamangba aser sobaliba dak maket aser asenoki nashi shi machia maremtsü. Ibaji dang masü saka India ama kin kidong aser tamangba yimsü meyoktepa alidak yimteni nübertem dang chiyongtsü ya Chiang aser yabo techi ta ozünga alentsüba kanga tamakoktsü. Aji oda, Hindu nungertem achiba chiyongtsü dang achitsü aser parnoki machiba chiyongtsütembo machitsüla ta ozüng agi nokdangtsü bilemra, aji takok angutsü asoshibo tangar tamangba yimsü aliba state aser tesem ajak toktsür, Hindu nungertem aliba tesemtem kisüng longteter India agi Bharat aser Bharat agi Hindustan ta linük tasen ka kümteta alitsüba dang asütsü. Ano külen asenok asoshia nashi metepsettsüla aser nashi shi machitsüla ta ozüng küma latetnüa sayutsüngir telok den tashiyim amshia nokdangtsü aser küpteptsüba kanga tamashi mapa ka asütsü. India dak tajung kaji, laibo nübertem nem pei amangnütsü amangtsü asoshia tamangba yimsü nunga nüchiso agütsür. Aji oda, kecha yimsü daka mamangtetra, mamangyonga kecha masü, ajia senso ka asoshi linük temzüngi nokdanga mali. Aji oda, senso shia nem koba yimsü amangnüdir amangtsü, külemtsü aser iba yimsü indang sayutsüngitsü linük temzüngi temeten aser tashi agüja lir. Iba jaji, India nung alima nung tamangba yimsü taliba temang aremoka lir. Ajisüaka, taoba küm ishika jakdang nung state aika nung Hindu nungertem tangar yimsü dangi memeyiptetsü saka tanga yimsü nung Hindu yimsü dangibo meyiptetsüsa temzüng ozüng yanglua lir. Iba jaji, tangar masü Khristan purtem tesem aika nung timtem lendong aser reshikangshi ajurur. Iba ama mapang ka nung Nagaland ama, Khristan state ka nung, tashiyim agi Hindu nungertem yimsü sayutsüngiba sentong aser mapatem nokdangra, ashiko iba jaji among adenerbo asenokang mesademba akümtsüa akok. Tamangba yimsü yabo, koba yimsü südirsüaka, kangshia amangdaksütsüba yimsü ka masü saka pei tangatetba aser Tsüngrem taochi dak dang keta lir.

OLEMSABANG

ALIMA AJAK AJANGZÜKER PEI TAKÜMASER TANELA SAMARA KECHI AJANGZÜKTSÜ

~ L. Kika Pongener.

(Yashi adok nungi...)

Atangji, chuba menden nungi shir tilatiba tenzüka menden tashiji Tsüngrem ket nung lir aser pai acha-ayanger. Aji oda, tulur, yimsusur, lennir tajung aikati pa/la menden temaba nung amentsüsa maongka angubaji, pa/la agi langa/temsua aliba agi masü, saka Tsüngremi maongka agütsü ta angateta, Tsüngrem tsüba ochishia tenzüker, nungdakba purtema yarir, aser ajemalua tila kümer ajak den yimjung nung aliba lennir tajung angudang kanga nukshia repranger. Ajisüaka, ano kanga tesusatsü-ka, tulur, yimsusur, lennir karibo, pa/laji dang teti iba temaba menden nungji menur, tashi (Power)-ji ammer alitsü amai bilema, mesura par chirnur/semchi-semnur tashi, yamaji ita-anu amai sentsüwangshia merena alitsü amai bilema tenuk amouer, tashiyim mapa inyaker aser ken o-a meshisadangi tulu-lu jembir...ta asüba lennirtem angudang kangasa sungmanga repranger...!!! Aseni tanü asen jenjang junga lir ta sur ngasangadema, asükema, mezümeküma alir, aser meblem dangi o tulu jembir tang ashi...ashiko, aseni inyakba mapa ajakji, kenu asen dangi meyipa arutsü, asen chirnur/semchi-semnur dangi meyipa arutsü kecha meteta maka...!!! Tsüngrem o-i ashir..."Shibai kangla tudir pa idakji tsüktsü, aser shibai lung mezüdir aji pa dangi meyiptetsü" (A.Shin-26:27). Atangji, yimden, arogo, mungdang aser loktiliba ajak nung shirnoki ochishia tenzüker, par chirnur/semchi-semnuri iba senmangji tajungji amangtsü.

Ano shirnoki nubur meyong rongsen, yimden, arogo, mungdang aser lokti meyong rongsen, pei nija meyong ama kibur küma, ketdang-asür aser pei asoshi rizünga ayur...Ashiko, iba rongsen jaji kenu pa/la taküma dena meyoka-adoktsü...!!! Tsüngrem o-i ashir..."Tamajung agi ajangzüka rongsenji kecha tajangzü mali; Saka temeshibai tasüba nungi kümzüker" (A.Shin-10:2). Shirnoki yimden, arogo, mungdang aser loktiliba ketdangsuba mapa nung yangkü semer awazür...Repranga liang, parnok chirnur/semchi-semnurji kodanga tangar menepa malitsü. Nisung aikati rongsen agi tenuk masüng merumeroa bendener...Saka tim lenmang nungi ochishia bendenba ka mesura...item rongsenji ashiko, aseni magishitsü, asen chirnur/semchi-semnur-ia magishitsü akok...!!! Sayutsüngir Billy Graham-i yamai ashi..."Nisungi hon/taribi agi yipden tajung yanglutsü akok...Saka iba yimden nungji anisungzüka/ayipjanga mejangtsübo meyanglutetsü"...Nisungi Senti rongsen agi ki tajung yanglutsü akok...Saka iba ki nungji arishia/anisungzüka alitsübo meyanglutetsü...Kechiyong ajibo Tsüngrem ket nung dang lir". Asenok taküm tanela ajunga ya Tsüngrem ket nung lir.

Temeim yimden yimsusur aser lokti lennirtem..."Alima ajak ajangzüker pei taküm/tanela jenjang samara kechi tajangzü...??? Temeim Tsüngrem lartem...Küm aika arogo/mungdang mapa balala nung tenzüka arur...Asen ajanga tangarbo aika ajangzü...Saka rongsen/sen tatidang mekotteti...asen tanela takümba majangzüktet samara kanga tesusatsüka asütsü. Tsüngrem o-i ashir, "Temeshipur senzüka yutsüba; Mesura pa metsü meshimetsüba ni mangu" (T.Ken-37:25). Temeim Tsüngrem tenzükertem...Tsüngremi temeshipur kodanga senzüka metoktsütsü... Par chirnur/semchi-semnur tashi ala-ashia timtema metoktsütsü tenangzüka lir. Anungji iba senmangji aazüktsü meranga tenzüksüla.

Iba Olemsabang nung lemsaba ken-o aser shisatsü ya iba ocet züluri bilemba ken-o ama tazünger angateta agitsü mepishir

Dalit Khristantemi Scheduled Caste jenjang akhanger



New Delhi nung Dalit Khristantem aser Dalit Muslim nungertemi longkak aitdang tangokba noksa nung angur.

September 10, 2024: Tawa National Council of Dalit Christians (NCDC)-i Justice K. G. Balakrishnan-i aniba Commission of Enquiry nem report tejangja ka agüja Dalit Khristantem nem Scheduled Caste (SC) jenjang agüjang, ta takhangba agütsüogo.

August 29, 2024 nü NCDC-i Commission of Enquiry nem iba report ji agütsü.

Taküm February ita nung Tamil Nadu state yimtiba, Chennai nung anogo anansü Southern India Regional Conclave senden mena liasü. Iba senden nungji shisashirtem, loktiliba asoshi inyakertem, Arogo lenirtem aser meimchir temeden atema inyakertem aika adenshia SC jenjang nung Dalit Khristantembo mezüngokba atema o lemtepa liasü.

“Extending the Scheduled Caste Status to Dalit Christians,” ta ajaba sendenji February 28-29 anogotem nung Chennai nung aliba CSI Secretariat nung ayongzuka liasü. Iba sendenji NCDC, Church of South India (CSI) aser National Council of Churches in India (NCCI) senteper ayongzük.

Iba senden ayongzükba nükjidongji SC nem agütsüba tajangzük balala nung akhidang nungi Dalit nunger Khristantembo mezüngokba atema jembitsü asoshi ayongba liasü.

1950 küm temzüng ka ajanga Scheduled Caste jenjangji Hindu

Dalits, Sikh Dalits aser Buddhist Dalits nem dang agütsü. Iba nungji Muslim nunger Dalits aser Khristan Dalits bo mezüngok.

Tawa Justice Balakrishnan-i aniba commission nem agütsüba report nungji loktiliba nung Dalit Khristantem aser Dalit Muslim nungertembo züngdokba indang shia lir.

“Item yimsü ana nungjagi Dalit nungertem nembo linük temzüng kübok SC jenjang magütsür,” ta report nungji shia lir.

Khristan yimsü nung ajak kasa züngshitsü atema tesayuba agüja lir, ajisüaka Dalit nunger Khristantembo kanga timtemer, kechiyong Arogo nunga Dalit Khristantembo bendanga züngshir, tekülem kidang bendanga mendaktsür aser leper-a balaka lezmüksür.

Arogo lenisüba menden nunga Dalit Khristantembo mezüngoker.

Kasa report ajanga, “Catholic Arogotem nung Dalit Khristantem atemabo temeja Arogo aser temeja leper lezmüksür, aser ibaji ajanga loktiliba nung dang masü saka Arogo nunga parnok bendanga züngshiba kuli sayur,” ta metetdaktsü.

NCDC-isa, yimsü nung ajemdaker Dalit Khristantem nem SC jenjang magütsübaji ajanga India nunger linük temzüng kübok talisa Arrla 14, 15, 16 aser 25 sendoker. Item Arrla ajanga linük nung senso

ajak kasa dang züngshitsü aser yimsü nung ajemdaker shinga bendang-shidang masütsü atema shia lir.

Kasa report nungjisa Ranganath Misra Commission of 2007 indang report densema study balala agiba metetdakja lr.

Dalit nungertemi Khristan yimsü agizükba ajanga parnok loktiliba, rongsenkettzüng aser yimtenren nung temelenshi kecha mangur, ta report nung shia lir.

NCDC-isa Commission dang linük temzüng kübok Constitution (Scheduled Caste) Order nung Paragraph 3 agientsü atema shia lir, kechiyong ibaji ajanga yimsü nung ajemdaker yimsü kar amangertem nembo SC teyari balala magütsür.

Dalit nunger Khristantemi SC jenjang akhangba ya tang tasen masü, kechiyong parnoki tesüiba küm 70 dak tema SC takhangba agüja longkak aiter aser legal tsütsülen nungi pei temeden atema raraa arudar.

Kasa report ajanga, “Dalit Khristantemi Arogo nunga parnok bendanga züngshiba anema mapang talangka ola adoka arudar,” ta metetdaktsü.

Justice Balakrishnan’s Commission ya 2022 küm October ita nung India sorkari tenteta liasü. Khristan mesüra Muslim yimsü dangi meyiper Dalit nungertem nem SC jenjang agütsütsü atema asadangtsü asoshi iba commission tenteta liasü.

Plateau state nung Fulani kiralongrartemi Khristan 10 tepset

Rongjui/September 10, 2024: September 03, 2024 aonung 7:00 ako meta Fulani Muslim kiralongrartemi Nigeria nung Plateau state kübok Khristantem jila- Daffo amakdang Khristan trok tepsetogo aser iba jila nungjagi mile 23 shi dang pilar aliba Kwatas nunga Khristan pezü tepset, ta International Christian Concern (ICC)-i

metetdaktsü.

Iba dak alia Fulani züngsemtem jagi Khristantem meyong alu aika raksatsüogo.

Jos nungi mile 45 shi pilar aliba Daffo jila jagi aonung 9:30 ako nung ang sepaitem tonga arua liasü.

Plateau State Governor Barr. Caleb Manasseh Mutfwang-i item tatalokba aitsüba den külemi nisung aika

asüba atema mangyim jashi lemsatop.

Governor-isa security agencies dang aibelenertemji tekeraba nung apuba sülen parnok anema ken o akatsü tayongzükba agütsü.

Paisa security sepaitem dang tarutsü nungbo item ama tatalokba nokdangtsü atema jelia intelligence akhangshitsü metetdaktsü.

ANOGO ABEN TSÜNGREM DEN

Tamang ain-i aoba

Lew Wallace-i züluba kaket Ben-Hur: koba dang Khrista taküm küm noklang züng 19 mapang iba kaket ya Khristantem kaket rongnung nungtukutiba liasü. Iba kaket ya Yihuda nunger tamarener ka tenüng agi Yihuda Ben-Hur otsü den repsema Yisu taküm otsü züluba kaket ka lir. Tanü tashi iba kaket ajanga nisung aika temoatsü angur.

Amy Lifson-i Humanities magazine ka nung amai ashi, “Kaket ajanga kaket zülusang taküm melenshi”. Ben Hur-i rishikangshi tulu ajuruba otsü ajanga kaket azüngertem temulung meyipba ama, Ben-Hur otsü ajanga kaket zülusang Lew Wallace Yisu dak amangtsü lenmang lapoktsü. “Ni Nazarene (Yisu) nguogo.... Nisungi meinyaktettsüba mapatem Pai inyakba ni nguogo” ta Wallace-i ashi.

Osang Tajung kaket nung Yisui sayatenya inyakba, sayutsüngiba, Yirusalemi takok ngua aiba itemji zülua angutsü. Item azüngdang asenoka Yisu den senzür ama bilemer. Osang Tajung Yohan kaket tatembang nung yamai shia angur, “Iba kaket nung zülua maliba tanga temaitsütem aika Yisui pei nütsüngtem tsüngdang inyak” TK 30).

Laishiba azüngba aser pai züluba Ben-Hur otsü ajanga Lew Wallace-i Yisu dak amang. Yamaji asenoki Tsüngrem o azüngba ajanga temulung melenshidaktsür aser tekümtet angur.

Tazüngtsü: Yohan 20:24-31

“Saka Yisui Khrista, Tsüngrem Chir ta nenoki amangtsü asoshi aser yamaji amanga pa tenüng nung nenoki taküm akatsü asoshi itemi zülüogo.

Yohan 20:31.

Odisha nung Hindu yimsü alia amangertemi Tenla ki ka amak

September 10, 2024: Tesülen police aruba sülen Amongnü (September 8) Khristan kar densema nisung Odisha state nung Khristantem kar pua asüngdangyatsü atema tekülem sentong tagidak mapang nung Hindu yimsü alia amangertem arua pastor den par Arogo nung züngsem aika dak azük, ta International Christian Concern (ICC)-i metetdaktsü.

State yimtiba, Bhubaneswar nung Tenla kidangi oa Khristantem nem timtem agütsürtem rongnung Rashtriya Swayam Sevak Sangh (RSS) züngsemtem aser RSS den tesendaktep aliba Bajrang Dal telok nungi züngsemtem densema liasü.

Osang angazükba agi, tawa Arogo jagi züngsemtem tekülem sentong agitsü atema asemben amentepa asüba ki para ka nguteta liasü.

Iba building nungji nisung 100 shi tekülem sentong agidar, ta osang angazükba sülen RSS aser Bajrang Dal-i Tenla kiji amaktsü aser tiyazü nung Khristantem nem tai tongloktsütsü atema telemteba agia liasü, ta ICC-i metetdaktsü.

Tesülen police aruba sülen Amongnü (September 8) Khristan kar densema nisung Odisha state nung Khristantem kar pua asüngdangyatsü atema tekülem sentong tagidak mapang nung Hindu yimsü alia amangertem arua pastor den par Arogo nung züngsem aika dak azük, ta International Christian Concern (ICC)-i metetdaktsü.

Ano külen Odisha kübok Nabarangpur district nung Hindu Mahasabha telok adenshia sentong ka agitsü renemdar. Tawa Swami Lakshmanananda Saraswati sür küm 18 ajungba anogomong nungtem nunga Odisha kübok Kandhamal district nung Hindu nungertemi anogo asemnü tashi sentong ka agia liasü.

Tang ayongzuka aliba Hindu Mahasabha sentongji Hindu nungertem Khristan yimsü dangi meyipdaktsüba nokdangtsü aser India ya Hindu linük ka kümdaktsütsü atema takhangba agütsütsü nükjidong nung ayongzükogo.

Hindu Mahasabha sentong ayongzükba sülen iba tesem nungji alir Khristantemi tensa raksatsü tsübuteper, ta ICC-isa metetdaktsü.

AO OSHI ANGAZÜKDAK:
TANÜ ANGAZÜKTSÜBA OJANG



Tan

(adv) tang (now)

* Tan yabo tesem aika nung anentsü alua lir.

Tana

(adv) anosa, tanaben (again)

*Tana par kibongisa tenla teimba agütsü.

OLONG PAITEP # 6920

1		2		3		4	5		
				6					7
		8							
9				10		11			
			12					13	
						14			
16						17			

TIPLÉN

- 1. Nisung jenti - (5)
- 4. Tsük rudenba - (5)
- 6. Temzüng tesashi - (5)
- 8. S___i - (3)
- 9. Nisung rongnung telemsa - (3)
- 10. Anogoshi - (4)
- 12. Ajanga aor - (4)
- 13. Tsük rizüngdak - (3)
- 14. Tebang nungi adokba - (3)
- 16. Süngdong tatembangtiba - (5)
- 17. Meputep - (5)

LANGTSÜNGLEN

- 1. Tenük telong - (9)
- 2. Committee dang ajar - (5)
- 3. Yagi ki okdoker - (7)
- 5. Yim lenmang - (5)
- 7. Temoatsü keter meyipa aruba - (9)
- 11. Kanga junga menemba - (7)
- 12. Kenyongi majinü - (5)
- 13. Rong kanga tulu - (5)

OLONG PAITEP # 6919 TELANGZÜBA

TIPLÉN :

- 1. Tanga, 6. Wara, 7. Rajang,
- 9. Anük, 10. Jenjang,
- 11. Alar, 14. Ngashi, 15. Nala,
- 16. Mechi.

LANGTSÜNGLEN :

- 2. Anga, 3. Yabang, 4. Tarok,
- 5. Orak, 8. Ainer,
- 9. Anema, 10. Jabilli,
- 11. Among, 12. Miim,
- 13. Anem.

NAI-A YA METETTER MA



India-Bajaj Allianz General Insurance ajanga Pune nung mezüngbuba General Insurance Festival of India (GIFI) amongdang otsü tasen ka yangluogo. Iba ya alima nung "Largest attendance for an insurance conference" lir ta World Record Academy-i metetdaksüogo.

Iba sentong nung nisung 5235 aden aser alima ajungalen insurance industry nung otsü tasen ka yangluogo ta Guinness World Records-i ashi.

Northeast nung mezüngbuba 3D printing solution centre lapok



Agartala, September 10, 2024 (Agencies): Northeast nung mezüngbuba 3D Printing Solution Centre Agartala Government Dental College nung lapokogo.

Mongulbarnü Tripura Chief Minister Prof. Dr. Manik Saha-i iba Centre lapoktsü aser paisa Union Health Minister JP Nadda dang Homeopathy and Allopathy medical college ka lapoktsü asüngdang.

"State sorkari Tripura ya education aser healthcare hub ka kümdaktsüsü tenangzükba lir" ta Chief Minister aser Health Minister incharge Dr. Manik Saha-i ashi.

Onoki iba atema tongti süa temulung agütsür aser mapatong aika inyaktsü ta pai ashi.

"Ni Union Health Minister J.P. Nadda den Tripura nung Homeopathy aser Ayurvedic

Medical College tem lapoktsü asüngdangogo. Sorkari AIIMS mesüra RIMS jenjang nung mozü ki ka yanglutsü mapa inyaker" ta Dr. Saha-isa ashi.

Agartala Government Dental College nung 3D Printing Solution Centre lapokba atema kanga nüma atanger aser iba reju atema kanga dang tongtipang teinyaksetba ka lir ta paisa shisem.

"Northeast nung 3D Printing Solution Centre mezüngbubaji iba ya lir aser iba Centre nung surgeries, bone grafting aser bloodless operations agir. Anogoshia shiranger 100 tema iba mozü kidangi arur anungji Solution Centre-i AI-powered solutions ajanga OPD kanga yaritsü" ta CM Dr. Saha-isa metetdaksü.

Manipur sorkari anogo ananü college ajak shibangtsü tuyur

Imphal, September 10, 2024 (Agencies): Manipur nung Higher and Technical Education Department-i September 11 aser 12 anogotem state ajungalen college ajak shibangtsü tetuyuba agütsüogo.

Bangdakpurtemi iba lemtet agiogo aser shisaliok reju ajak agüja aliba anogotem nung shibangtsü ta Department-i ashi.

Manipur nung tensa majungba ajanga Imphal East aser Imphal West district tem nung curfew agüja lir.

September 1, 2024 nungi

tenzüker Bharatiya Ngarik Suraksha Sanhita, 2023 nung Section 163 kübok curfew agütsüba nung nisungtem pei ki toktsür kimai aotsü memelar.

September 10, 2024 anepdang 5:00 ako nungi nikongdang 10:00 ako tashi curfew salaba osang metetdakja liasü saka tanep 11:00 ako nungi ano curfew benokogo.

September 9 nungi Manipur nung Ima Market nung kaketshirtemi lungkak aita arur aser parnoki tanü nikongdang 1:00 ako tashi Governor nem mapang züngzükja liasü.

Kaketshirtemi September 9 nü Governor Lakshman Acharya nem takhangba onük kar agütsü aser itemji ghonda 24 tsüngda inyaktsü mapang züngzüktsü.

Kaketshirtemi Raj Bhawan jakdang lungkak aittsü sentong liasü saka yashi lungkak aiter kari lung agi aonba ajanga security forces-i parnok sentshidaktsü.

Iba sülen parnok Ima Market-i ao aser idangji aonung piyong lungkak aitogo. Tensa azüoktsü atema state aser central forces-i market anüker.

**GOVERNMENT OF NAGALAND
DIRECTORATE OF HEALTH & FAMILY WELFARE
NAGALAND:: KOHIMA.**

No.DHFW-5/D.Pharm/Part-II/2014/8093-95

Dated, Kohima, 9th Sept' 2024

ADVERTISEMENT

As per Government Approval Vide Order No.HFW(A)-9/18/21/ Dated, Kohima the 6th September 2024 invites interested local candidates to undergo Diploma in Pharmacy course for the academic session 2024 at Assam Medical College, Dibrugarh. Short listing criteria and other details are as follows:

- 1. 5 (Five) Nos. of Seats available.
- 2. Applicant should have cleared HSSLC (10+2) in Science Stream with minimum 45% in case of SC/ST candidates (English as one of the subjects and Physics, Chemistry & Mathematics (PCM), Physics, Chemistry, Biology (PCB) or any other qualifications approved by the Pharmacy Council of India.
- 3. All relevant documents: HSLC & HSSLC Admit card, Mark sheet, Certificates, SC/ST Certificates, Indigenous Certificate, one recent Passport size photo, should be enclosed along with the application with complete address and contact no.
- 4. The maximum age limit is 25 years on or before **1st Sept. 2024**.
- 5. Application Form can be downloaded from the Department website: nagahealth.nagaland.gov.in
- 6. Last date of submission of Application forms will be on **12th Sept 2024**. Duly filled in application in hard copy along with requisite supporting documents should be submitted in Room No.210 (Training Section) along with Rs.200/- as processing fee.
- 7. Selection will be done based on Academic Merit Marks.

Sd/-

(DR. E. MOTSUTHUNG PATTON)

Principal Director,
Directorate of Health & Family Welfare,
Nagaland: Kohima.

**GOVERNMENT OF NAGALAND
DIRECTORATE OF HIGHER EDUCATION
NAGALAND: KOHIMA**

NO. HED/GRANT-IN-AID/4/2012-13/222

Dated Kohima, the 9th Sept. 2024

NOTIFICATION

Eligible **NAAC Accredited & AAA Inspected** Private Secular Colleges and Government **Affiliated/ Accredited** to category **A&B** for Theological Colleges are hereby informed to download the **Grant-in-Aid form** for the year **2024-2025** through the Department's website www.highereducation.nagaland.gov.in and submit the filled up form to the undersigned from **17th September to 30th September 2024**. Forms will not be accepted after the stipulated date.

Sd/-

**Ex-Officio Director
Higher Education
Nagaland: Kohima.**

MULUNGNEN O

"Ni rara tajungji raraogo, ni alizüng tonga asemogo, ni tamangji yuogo."
2 Timoti 4:7



Ozüi teti meima aliba Obala **M. Chuba Jamir**, August 17, 2024 nü Aoyimkum Village, Dimapur nung asüba osang sangdonger.

Asür M. Chuba Jamir ya Tsüngrem metetba, meranga inyakba aser teti ochi lenmang nung jajatsü merangba nisung ka liasü. Pai teti ajungshiba O "...**temerang mapa inyaksü angazükang, temerang chi-chiyungtsü jangrang aser temerang O jembitsü tasü-itang...**" Yamaji, Tsüngrem nungi anguba taküm sempet bener pai arishi tepiyong meranga inyaka kija taküm, kibong, Arogo, yimden aser alima ajak pa taküm jakla aser mapa ajanga moatsür, pa taküm Tsüngrem dangi ogo.

Pa tatsüka shirangba mapang ozü dang temeim sayuba aser yaritepba asoshi kanga pelar aser onok mulungjang nung kongshio. Zydus Hospital, Ahmedabad; Eden Hospital, Dimapur aser Home Nursing staff temi obala taküm tatem tashi bendanga agüja yaritepba asoshi ozü temulung taroktiba nungi pelaba lemsateper.

Aoyimkum, Dimapur nung Obala asüpila sentong nung adener aser pa taküm bilemteta akhüm agütsür ajunga dang kanga pelar. Temeim Kinungertem, tembartem, sendaktepba aser metetepba alirtem dang pelaba lemsateper. Onoki iba sabang ajanga nenok kija shia tenüng tetshia pelaba meshitetaka nenok ajak dang temulung taroktiba nungi pelar aser Tsüngremi nenok mapa tajung asoshi moajang ta sarasademtsür.

Tatem nung onoki item nisung aser lokti tentet dang balaka pelaba lemsateper :

1. Kinunger, Adianu, Tembar aser Temulungertem
2. Zydus Hospital, Gujarat
3. Eden Hospital, Dimapur
4. Gujarat Police
5. Aoyimkum Baptist Church
6. Aoyimkum Village Council
7. Dimapur Area Chuchuyimlang Senso Tamang Telungjem
8. Chuchuyimlang Senso Telungjem, Dimapur
9. Bendang Ali Mershiba Aso Telungjem
10. Mershiba Aso Kidong
11. Chuchuyimlang Baptist Church
12. Chuchuyimlang Village Council
13. Lt. Makensosang Semchir
14. Chuchuyimlang Senso Telungjem, Tuli
15. 3 Buba Riongsanger Süngpo Zünga, Dimapur
16. Full-time Tenzüker Chuchuyimlang Baptist Church
17. The Lighthouse Church
18. Tsüngyu Medemlar Telok, Imlang Mepu
19. BJP, Nagaland
20. Public Prosecutor's, Kohima
21. PHED, Nagaland Secretariat
22. Mokokchung Forest Division.

~ Kinungtsü & Kinungertem.

Israel-i al-Mawasi süki amakdang nisung 40 tepset

Khan Younis, Rongjui/Sept. 10 (Agencies): Israel-i Gaza south tsütsü "safe zone" ta mekazüka aliba tesem nung amakba ajanga nisung 40 asü aser 60 yiru, ta Palestine ketdangsur temi ashi.

Khan Younis kübok al-Mawasi area nung Palestine nunger jenoka aliba süki 20 shi nung Mongulbarnep amakdang kongshi, ta Gaza indang civil defence ajanga ashi.

Israel mitkari taoba mapang civilian tem dang jenoktsü totuyuba agütsüba tesemtem nung mapang shia amaker.

Israel mitkari sangdong ka nung Hamas command centre ka dak tenük yoker amak ta ashi, aser tenük kuli alirtemi ashiba agi iba mapang missiles pezü shi khaloktsü. Palestine nunger telungpur telokibi Israel mitkari tiazü jembir ta aitsüogo.

Israel mitkari Khan Younis aser anasa Rafah nung alilen nungi amakdang tükum anasa aliba al-Mawasi ya "safe zone" ta sangdong liasü, anungji iba tesem sünga Palestine nungeri süki yanglur yangji mejanga liasü.

Rescuers temi yangji takum alirtem bushiba mapang ali ya feet 30 (metre 9) tashi pokteter liasü ta ashir.

Süki nung mi adoka arondang anünglen Israeli reconnaissance planes temi müketa longa liasü.

"Nisungtem ali nung arem. Parnok temang shilem balala agitet. Nisung ter dak tema samar bushir aser civil defence temi nüburtem agitettsü mechi teka kisüng agi ali yapoker," ta yangji alir kati osangbener

dang ashi. Iba lendong atalokba tesem asadangba ajanga ibai tang rara nung nisung jenti tepsettsü meranga sashia amakba rongnung ka lir, ta Gaza indang civil defence odongtar kati ashi.

Council on American-Islamic Relations-i iba lendong ya aitsü aser iba indang executive director Nihad Awad-ia Palestine nunger ya meimchir ama masü saka napong ama tepseter, ta Israel sorkar aitsü.

Ajisüaka Israel ketdangsur temibo Khan Younis nung humanitarian zone telung nung Hamas kiralongrar indang command aser control centre ama amshiba tesem ka amak ta ashir.

Gaza nung yimsü asüba Palestine nunger telok, Hamas-i yangji par sepaitem meliasü aser Israel ketdangsur temi mapa tamajung inyakba nembangtsü mechi tiazü jembir ta ashi.

"Civilian adenshia aliba tesem nung ozü züngsem mali mesüra military inyakym atema item tesemtem mamshir ta onoki aiben shiogo," ta Hamas-i sangdong ka nung ashi.

Israel mitkari October 7 nungi tenzüka Gaza amakdang nisung 41,020 takum samaogo aser nisung 94,925 yirutsüogo, ta yangji aliba Health Ministry ajanga ashir.

Al-Mawasi nung asürtem ya maden tesüba ghonda 24 tsüngta Israel-i Palestine nunger nisung 32 tepsetogo aser 100 yirutsü, ta ministry ajangasa ashi.

North Korea lenir Kim-i nuclear nok-nü tashi ulushitsü tuyu

Pyongyang, Rongjui/Sept. 10 (Agencies): Tsükchir nungi linük kumzüktsü atema North Korea lenir Kim Jong Un-i linük indang nuclear arsenal ulushitsü nangzük.

United States-o aniba regional military bloc teshisadangba makai ulushiba ajanga linük lendongbang nung lir ta Kim-i ashi, ta official Korean Central News Agency ajanga Mongulbarnü sangdong.

Par sorkar kumteter küm 76 ajungba anogomung nung jembidang, iba ama inyakym ya ajanga North Korea mitkar tashi ulushitsüsa akumer ta Kim-i Hombarnü ashi.

Raratsü asoshi nuclear force densema armed forces ajak renema alitsü mera agitsü aser inyaksü, ta pai nangzük.

Tashi tait intercontinental ballistic missiles tali akhatsü atema sapang tasen ka yangluogo ta Pyongyang-i sangdongba sülen pai iba o ya jembia liasü.

Parnoki South Korea tsütsüi jana bena aliba balloon tem yokba yimya ano tenzükshio.

North Korea nunger nuclear tashi ulushiba den meneptepa US nuclear weapons aser South

Korean conventional weapons meyokteptsü atema July ita US-South Korean defence guidelines tasen zülutepba North Korea-i mepela.

Iba guideline ya ajanga par anemer temi parnok amaktsü tasa sayur, ta North Korea-i ashi. US aser South Korean ketdangsur temibo iba linük amaktsü tebilemba masü ta shijen ashir.

2022 küm nungi North Korea-i par nuk-nü tendangba maparen metetsümonga tali kumogo aser parnoki US aser South Korea dak amaktsü tashi lir ta amokmerener.

Tang North Korea ket nung nuclear warheads 50 shi lir, ta Stockholm International Peace Research Institute (SIPRI) ajanga ashir, saka tejangjabo memetet. North Korea indang nuclear weapons aser missile programme tem mechi alimai tenokdangba agüja lir. Pari nuclear tendangogo ta tejangja metetba tatemsaba ya 2017 nung liasü.

Iba mapanga US aser South Korea nati telangzüba agüja koba North Korea-ibo par linük amaktsü renemshir ta shia liasü.

SATSÜKBA BAPTIST AROGO
P.O. Mangkolemba – 798604, Dist. Mokokchung, Nagaland.
'Khrista Den Takokba'
TENÜNGSANGAGÜTSÜR

Wb. Kimatsüng aser Wt. Noksangnaro na jabaso **Wb. Loktimen-i** NPSC-i ketdangtsüa agiba, Personnel & Administrative Reforms Department kübok Secretariat Assistant jenjang ngutetba atema Satsükba Baptist Arogo-i Wb. Loktimen nem tenüngsang aser tetushi Tsüngrem sentsüwangshidakja agütsür. Tenzükba wadang nung ochi shia aser Tsüngrem akümtsüba tenzüktsü Tsüngremi taochi meshia sarasadema atar. Tsüngremi ne taküm maneni moajangma.

"Shir ajemalurtem lir parnok temoatsüba; kechiaser parnoki alima senmang amangtsü" – Mathi 5:5.

Sd/-
K. Imtizülu Jamir, Pastor.
Satsükba Baptist Arogo

AXIS BANK **AXIS Bank Ltd** **Public Notice for – E-Auction of pledged assets being Gold**
A.C.Market, 4th Floor, 1, Shakespeare Sarani, Kolkata- 700071

Axis Bank ajanga tsünglanglen shia aliba Branch nung tsünglanglen agüja aliba accounts nung züngzüktepa aliba gold ornaments tem public auction alitsü ta nüburtem aser talisa Borrowers dang metetdaksür. Tsünglanglen shia aliba Borrowers temi security atema Bank nungi pledge of gold ornaments ("Gold Loan Facility") amshia Axis Bank Limited nungi credit facility agia lir. Borrowers/Guarantors dang Gold loan facility agiba atema tanüngba sen menoktsü Demand notice tem agüja liasü. Ajisüaka Borrowers/Guarantors temi loan amount tanüngba menonoktet nung, bank-i züngzüktepa aliba mera agia 21-09-2024 (dated) nü **12.30 PM - 3.30PM** (e-auction mapang) tsüngta pledged gold ornaments tem "As In Where Is", "As Is What Is", "Whatever There Is" aser "No Recourse Basis" nung e-auction asütsü sentong lir.

Borrowers aser sen temonoktsü anünga aliba tejangja.

Branch Name	Customer Name	Loan A/c No.	Amount Outstanding	Date of Demand Notice	Gross Weight Grams	Net weight grams.
DIMAPUR [NL]	M HENO LUSHING	XXXXXXXXXX7557	232978	20-11-2023	71.100	61.000
DIMAPUR [NL]	CHANDAN KUMAR	XXXXXXXXXX9486	136151	20-07-2024	35.700	33.900
DIMAPUR [NL]	AJANTA BORUAH	XXXXXXXXXX2189	108659	04-08-2024	26.900	26.100
DIMAPUR [NL]	ARENUNUNGLA JAMIR	XXXXXXXXXX9698	177529	04-08-2024	36.800	36.300
DIMAPUR [NL]	KRIPASINDHU DEY	XXXXXXXXXX2474	195851	29-09-2023	54.100	49.000
DIMAPUR [NL]	PRABRIT DAS	XXXXXXXXXX4466	74885	05-08-2024	17.900	17.500
DIMAPUR [NL]	PRIMILA HANSEPI	XXXXXXXXXX9855	54900	20-07-2024	14.200	13.200
DIMAPUR [NL]	WATILEMLA AIER	XXXXXXXXXX2129	53308	05-08-2024	13.800	12.300
LHOMITHI BAZAR [NL]	DEVKARAN DEVKARAN	XXXXXXXXXX0971	111529	20-11-2023	32.400	30.000
LHOMITHI BAZAR [NL]	SHIVAM DEB	XXXXXXXXXX9462	218695	04-08-2024	56.500	53.500

Jelia osang magütsüi auction anogo melentsü/account agientsü Axis Bank Ltd. dak tashi lir. Auction ya online ajanga <https://gold.samil.in> (website of online vendor) nung **12.30 PM - 3.30PM** (mapang) tsüngta agitsü. Terms and conditions tejangja metettsü asoshi agüja aliba website <https://gold.samil.in> (website of online vendor) nung angutsü.

Date: 11.09.2024
Place: Kolkata
Authorized Officer
Axis Bank LTD

Indian Paralympic team kidangi shilangdang pela agizük



New Delhi, Rongjui/Sept. 10 (Agencies): Paris nung tawa tembangba Paralympics 2024 nung taoba mapang dang nungi tali medals 29 anguba sülen India nunger Paralympic medal angurtem Mongulbarnü linük tonga arudang kinunger aser temeimerter noklang aika narozük aser chiyongsü tanang bener adenshia parnok agizüka liasü.

Mongulbarnep parnok Indira Gandhi International Airport nungi temai adokdang asem tema pelatepa liasü. Supporters, saisapong ketdangsürtem aser kinungertem parnok dang tepela sayua adenshia liasü.

“Onok yamai mera keta agizükba atema kanga pelar,” ta javelin thrower Sumit Antil-i osangbener dang ashi.

Pai F64 category nung tanabuba gold nguteta pa indang Hames record melenshia meta 70.59m talang nung tsülöksü.

Shooter Avani Lekhara sülen tang world champion Sumit Antil ya India nunger rongnung tanabuba Paralympics title dangar nem magütsüi kumzüka yuteter akum.

Avani yagi Tokyo nung 10m air rifle standing SH1 nung gold medal anguba sülen Paris nunga kasa takok ngua liasü. La asaya tembangba sülen taoba hopta linüki meyipa shilanga liasü.

Antil ya 2015 küm motorbike tsükokba nung tetsüing abelen temokok tsüinglangen rangdoka liasü. Iba lendong matalokdang pa ya melangteper ka liasü.

“Kodang na junga renema ledir, nüsasa nüdak temulung alemtsü. Ni yakdang 75m mark alemtsü merangtsü. Ni anogo ishika süngo majem, ni kinungertem den süngo jemner,” ta Antil-i ashi.

Archer Harvinder Singh, shiba Punjab University nungi Ph.D azünger, paia pelaba lemsatepa liasü. Pa kinü asüandang dengue tashidak anepaluba nungi side effect adoka tetsüing meshidak akum.

Küm asem tejakdang Tokyo nung pai India nunger rongnung archer mezüngbuba bronze medal angur akumba sülen pa ya Paralympics nunga gold angur mezüngbuba akum.

“Ni mazüngi liner. Ibaji ajanga

nükjidong nung rangloker, telokok süngjema mali. Shisabulu khuret agi nener mesüra tamakok ajurur alirtemi para-athletes nungi angazüktsüla,” ta pai ashi aser iba mapang bhusemer temi külem archer Sheetal Devi tena nem naro inokja liasü.

Sheetal, shiba teka maket aso, lai Rakesh Kumar den külemi mixed team bronze ngua liasü.

“Ni tajangshiba tajung liasü. India-i archery nung medal ana anguba atema ni kanga pelar. Onok teyarir tajung liasü aser iba yongji onoki medal aika angu,” ta lai medal standings nung India nunger jenjang 18 buba nung atemba athishia ashi.

Ano Javeline thrower Navdeep, shiba aso atsüba mechi F41 classification nung toktep, pa par supporters temi ali nungi ajungketa pelatep. Navdeep-i 47.32m yokteta gold medal angu.

India-i iba asayamung nung shilem agitsü asayar 84 yoka liasü, koba Games atema timtiba liasü. Medals 29 anguba nung tenet gold liasü, koba linük asoshi mezüngbuba alitsü.

India nunger Paralympics nung medal angur nem sen agütsütsü sangdongogo

New Delhi, Rongjui/Sept. 10 (Agencies): Paris nung tang tesüsa tembangba Paralympic Games nung Indian athletes gold medal angur nem senpet sen 75 lakh, silver angur nem sen 50 lakh aser bronze angur nem sen 30 lakh agütsütsü, ta Sports Minister Mansukh Mandaviya-i Mongulbarnü sangdong.

Archer Sheetal Devi ama mixed teams events nung takok angurtem sen 22.5 lakh agi timba akumtsü.

Medal angur nem tenüngsang aser tetushi agütsüba sentong tuluka ayongzükba nung minister-i iba osang ya sangdonga liasü.

2028 Los Angeles Paralympics nung medals tali angutsü nükjidong nung para-athletes atema teyari aser facilities tajungba agütsütsü ta Mandaviya-isa nangzük.

“Paralympics aser para sports nung linük jenjang tajungba kumtar. 2016 küm medal pezü anguba nungi

Tokyo nung medal 19 angu aser Paris nug medal 29 nguteta jenjang 18 buba nung tembang,” ta Mandaviya-i ashi.

“2028 Los Angeles Paralympics nung medals aser gold medals tali angutsü asoshi onoki para-athletes ajunga nem facilities ajak agütsütsü.”

India-i Paris Paralympics nung gold tenet, silver toku aser bronze medal 13 nguteta liasü, koba iba asayamung otsü nung linük asoshi tajungtiba shilem agiba mapang ka liasü.

Saisapong tsütsü PwDs dak temulung agütsütsü ayongzük: NSDF

Dimapur, Rongjui/Sept. 10 (TYO): Tawa Paris Paralympics 2024 nung Hokato Hotozhe Sema-i bronze medal anguba asoshi Nagaland nung aliba matamabensar temi tenüngsang agütsür. Pai takok anguba ajanga state nem konang tulu bener arutsü aser linük tesem ajunga nung para-athletes tem ajungmeso, ta Nagaland State Disability Forum sangdong ka ajanga ashi.

Nagaland tesem balala nung persons with disabilities (PwDs) aika tejangraba tulu nung parasports sentong balala nung shilem agia zonal aser national level asayamung nung takok tajung nguteta lir. Parnoki takok anguba ajanga PwDs temi saisapong nung takok angutsü teimla aliba sayur, ta NSDF ajanga ashi.

Ajisüaka tesasatsüka nung saisapong nung matamabensartemi timtem aser tayongzükba jenti ajurur, takisa parasports atema sentong tejangja mali, ki o jen peroa mali aser matamabensai aliba saisapongertem pei nüjidong bushitsü atema teyari agi anünga lir.

Anungji asen sorkar aser nüburtem dang asen para athletes tem yaria saisapong nung ajungtsü asoshi jangjateta anitetsü atema sentong yanglutsü ayongzük, ta NSDF ajanga ashi.

Ki o jen, senotsü teyari aser training facilities shidak lira, asen nisung Hokato Hotozhe Sema ama international sapang nung takok tajung ngutetsü nübu lir, ta sangdong ajangasa ashi.

Ajisüaka tesasatsüka nung saisapong nung matamabensartemi timtem aser tayongzükba jenti ajurur, takisa parasports atema sentong tejangja mali, ki o jen peroa mali aser matamabensai aliba saisapongertem pei nüjidong bushitsü atema teyari agi anünga lir.

Anungji asen sorkar aser nüburtem dang asen para athletes tem yaria saisapong nung ajungtsü asoshi jangjateta anitetsü atema sentong yanglutsü ayongzük, ta NSDF ajanga ashi.

Ki o jen, senotsü teyari aser training facilities shidak lira, asen nisung Hokato Hotozhe Sema ama international sapang nung takok tajung ngutetsü nübu lir, ta sangdong ajangasa ashi.

Ki o jen, senotsü teyari aser training facilities shidak lira, asen nisung Hokato Hotozhe Sema ama international sapang nung takok tajung ngutetsü nübu lir, ta sangdong ajangasa ashi.

Anwar Ali ita pezü atema nokdang, Mohun Bagan nem sen 12.90 crore agütsütsü



New Delhi, Rongjui/Sept. 10 (Agencies): Tesüba mapang kodanga meinyakba mapa ka inyaka All India Football Federation (AIFF) ajanga obendang ka agütsüba nung Indian defender Anwar Ali-i kuli tejangja makai Indian Super League club Mohun Bagan Super Giant (MBSG) den küm pezü loan deal agienba nung aiblena aliba ngua pa nem ita pezü tenokdangba agütsü.

Iba den külemi Anwar ya pa indang contract temer East Bengal den tezüngzüktep tasen ka yangluba sülen MBSG nem compensation nung sen 12.90 crore agütsütsü.

East Bengal aser Anwar indang parent club Delhi FC ya transfer windows ana nung asaya tesen manioksü tenokdangba agütsüogo.

Anwar-i off-season mapang pa sasa MBSH den pa indang contract zülutepa aliba agien aser East Bengal den tezüngzüktep tasen agia liasü.

Ajisüaka MBSG-i Delhi FC den Anwar atema küm pezü loan deal ya züluteptsü pai mulung asünungji pa MBSG

indang asayar lir ta ashi.

Iba tatsütep ken o bentetsü atema telok asem - Anwar, Delhi FC aser MBSG - yagi AIFF indang Players' Statue Committee (PSC) dangi aben.

“Anwar Ali ya ita pezü saisapong nung shilem magitsü tenokdangba agütsür, aser East Bengal aser Delhi FC ya January transfer window nungi tenzüka transfer window ana atema nokdangtsü. Telok asem – Anwar Ali, Delhi FC aser East Bengal – yagi Mohun Bagan nung compensation ama sen 12.90 crore agütsütsüla,” ta PSC ajanga Mongulbarnü obendang nung ashi.

Anwar ya iba totuyuba agütsüba anogo nungi tenzüka ita pezü tashi official matches kecha nunga masayatsü. Pai tawa India tenüng nung Intercontinental Cup nung asaya liasü.

PSC ajanga August ita interim order ka agütsüba nung Anwar-i kuli tejangja makai agreement agienogo aser timtem aremti süra aotsü akok, ta shia liasü.

Iba sülen pa ya East Bengal player ama sangdonga liasü.

Paris Paralympics 2024 nung India medal tally yamai liasü:

No.	Name	Sport	Medal
1	Avani Lekhara	Women's 10m air rifle standing SH1 (Shooting)	Gold
2	Mona Agarwal	Women's 10m air rifle standing SH1 (Shooting)	Bronze
3	Preethi Pal	Women's 100m T35 (Athletics)	Bronze
4	Manish Narwal	Men's 10m air pistol SH1 (Shooting)	Silver
5	Rubina Francis	Women's 10m Air Pistol SH1 (Shooting)	Bronze
6	Preethi Pal	Women's 200m T35 (Athletics)	Bronze
7	Nishad Kumar	Men's high jump T47 (Athletics)	Silver
8	Yogesh Kathuniya	Men's discus throw F56 (Athletics)	Silver
9	Nitesh Kumar	Men's singles SL3 (Badminton)	Gold
10	Thulasimathi Murugesan	Women's singles SU5 (Badminton)	Silver
11	Manisha Ramadass	Women's singles SU5 (Badminton)	Bronze
12	Suhas Yathiraj	Men's singles SL4 (Badminton)	Silver
13	Rakesh Kumar / Sheetal Devi	Mixed team compound open (Archery)	Bronze
14	Sumit Antil	Men's Javelin throw F64 (Athletics)	Gold
15	Nithya Sre Sivan	Women's singles SH6 (Badminton)	Bronze
16	Deepthi Jeevanji	Women's 400m T20 (Athletics)	Bronze
17	Sundar Singh Gurjar	Men's Javelin F46 (Athletics)	Bronze
18	Ajeet Singh	Men's Javelin F46 (Athletics)	Silver
19	Mariyappan Thangavelu	Men's High Jump T63 (Athletics)	Bronze
20	Sharad Kumar	Men's High Jump T63 (Athletics)	Silver
21	Sachin Khilari	Men Shot Put F46 (Athletics)	Silver
22	Harvinder Singh	Men's individual Recurve (Archery)	Gold
23	Dharambir	Men's club throw 51 (Athletics)	Gold
24	Pranav Soorma	Men's club throw 51 (Athletics)	Silver
25	Kapil Parmar	Judo Men's -60kg J1	Bronze
26	Praveen Kumar	T64 High Jump (Athletics)	Gold
27	Hokato Sema	Men's Shot Put F57 (Athletics)	Bronze
28	Simran Singh	Women's 200m - T12	Bronze
29	Navdeep Singh	Men's Javelin F41	Gold

BIEMDANGANG

“Merangdangeri dang tamakok jia ajurur.”